

(Erb. Thür. Hütter) Anno 1563. Spartam Mareschalli Provincialis Austriaci ornavit. (f)

[a] Archivum Wurmbbrand. num. 144. [b] Archivum Statuum Austriæ, num. 2556. [c] Documentum Wurmbbrand. num. 220. [d] Archivum Statuum num. 3597. [e] Ibi num. 3614. [f] Documentum Roggendorffianum.

CAPUT XVIII.

BARONES GEYMANNII.

**I**llustris Geymanniorum familia in Austria Superiore à seculis aliquot celebris fuit. Conradus Geymann, qui monasterium celeberrimum Sancti Floriani beneficiis auxit Anno 1209. claruit & in Ecclesiæ illius ambitu sepultus est. (a) Heinrichi Geymannii memoria Anno 1252. colitur, qui documentum Ulrici Abenspergii Heinricho de Parsberg datum suo Sigillo munivit. (b) Alius Henricus Geymannius Anno 1300. Castrum Gallspach in patrimonio suo habuit illudque templo propriis sumptibus exstructo condecoravit, Uxor ei fuit Ertrudis, Ulrici de Nusdorff Filia quæ post obitum Mariti ab Andrea Pohlheimio Anno 1360. in thorum adscita fuit. (c) Heinricho Geymannio filii duo fuere Johannes & Wolffgangus gnataq; unica Elisabetha, quæ primis nuptiis Wolffgango de Achleithen in Albmegg secundis Johanni de Kirchberg copulata fuit Anno 1383. (d) Wolffgangus Geymann, ex Sulanna de Albrechtsheim, Catharinam genuit quæ Laurentio de Panhalm Anno 1393. nupsit, eique centum quinquaginta libras denariorum in dotem attulit, à quò 60. libras largitionum sponsalitiarum nomine accepit. (e) Johannes Geymann Annam Ulrici de Geldtingen filiam Anno 1364. in matrimonium duxit, (f) ab eaque Pater factus est Christophori Geymannii, Stephani, Magdalena & Barbaræ. Christophorus Dorotheam Onuffrii de Anhang in Keppach filiam penatibus suis induxit Anno 1377. liberosque cum ea procreavit quatuor, Stephanum Geymannium in Gallspach Castellatum in Camer, Martinum Geymannium Anno 1408. clarum, Johannem & Margaretham Johannis Zeller in Zell & Schvverdberg Uxorem Anno 1431. Stephanus Geymannius, Johannis & Annæ de Geldtingen filius Castellanus in Attersee Anno 1384. fuit & Benignam de Aheim in Matrimonio habuit, quæ ipsi peperit Christophorum, Barbaræ de Hohenfeld maritum Anno 1418. Gotthardum Anno 1439. celebrem & Bartholomæum Castellatum & Judicem Provinciale in Stahrenberg Anno 1445. &